

**Comintzat sa Segunda Editzione de sos
PICCOLI CANTIERI DI FILOSOFIA PER NON ADDETTI AI LAVORI
in su Parco delle Arti di Molineddu.
Chimbe addòbios pro faeddare de sa filosofia medievale.**

Dae su 3 a su 31 de trìulas.

In intro de sa editzione sa de 28 de su Festival Arte Evento Creazione,
s'Assòtziu Parco delle Arti di Molineddu APS presentat
sa segunda editzione de sos
"Piccoli Cantieri di Filosofia per Non Addetti ai Lavori".

Chimbe seros pro divulgare sa filosofia in su Parco delle Arti di Molineddu e ant a èssere ghiadas dae dotzentes de sos litzeos. S'initiativa, patrotzinada dae su Comune de Ossi, est fata cun su contributu de sa Fondazione di Sardegna e paris a sa Società Filosofica Italiana (SFI) - Sezione Universitaria de Tàtari.

Sa filera de adòbios, chi sighit s'àndala comintzada s'annu passadu cun sa filosofia greca, at a comintzare su 3 de trìulas, a sas noe de sero. Custos addòbios sunt pro sos chi si charent acortziare a s'arresonamentu filosòficu pro sa prima borta o pro sos chi charent torrare a faeddare de sos autores chi ant istudiadu dae giòvanos.

In tre sos temas de sa filosofia medievale s'at a faeddare de: raportu intre fede e resone, felitzidade umana, limbàgiu e realidade, visione dualistica de su mundu, Agostino di Ippona e Tommaso d'Aquino.

Su primu addòbiu, fissadu pro su 3 de trìulas, at a èssere dedicadu a s'introduida a sa filosofia medievale dende atentu màssimu a Plotino, b'ant a èssere sos reladores: Prof. Antonello Nasone de sa Società Filosofica Italiana (SFI) e Prof. Ilario Fusaro de su Litzeu "Galilei" de Macumere.

Su segundu addòbiu at a èssere su 10 de trìulas e at a èssere ghiadu dae sa Professora Prof.ssa Roberta Soggia e dae Prof. Andrea Piras, ambos dotzentes de su Litzeu "Azuni" de Tàtari, chi ant a faeddare de s'arresonamentu de Agostino di Ippona.

Si sighit su 17 de trìulas cun Averroe Maimonide, presentados dae sos Prof. Luca Sannia de su Litzeu "Canopoleno" de Tàtari e dae sa

Professora Sara Strinna de su Litzeu "M. di Castelvì" de Tàtari.

Su 24 de trìulas, at a tocare a Tommaso d'Aquino, cun interventos de su Prof. Paolo Vodret de su Litzeu "M. di Castelvì" de Tàtari e de su Prof. Cristiano Sabino de su Litzeu Artìsticu "F. Figari" de Tàtari.

At a serrare sa filera sa filosofia de Guglielmo da Occam e Meister Eckhart chi ant a èssere presentados su 31 de trìulas dae sos dotzentes Professora Aurora Bayslak de su Litzeu "Marconi" de Tàtari Prof. Pasquale Lubinu de su Litzeu "Spano" de Tàtari.

Totus sos apuntamentos s'ant a fàghere in su Parco delle Arti di Molineddu di Ossi, unu logu bellu, de ispantu, in ue arte e natura si leant a manu tenta, ant a comintzare a sas noe de sero e s'ant a tancare cun una degustatzione de binos cumbidados dae Cantina Derudas e dae Cantina Alba de Ossi.

Su Parco delle Arti di Molineddu sighit a èssere unu logu de importu pro sa cultura de su territòriu. Custa segunda editzione de sos Piccoli Cantieri di Filosofia, difatis, annoat s'impignu pro unu pùblicu eterogèneu, ammaniende addòbios de meledu subra de chistiones de valore istòricu e culturale.

Sa manifestatzione est intro de su festival Arte Evento Creazione e de s'atividade culturale de s'Assòtziu Parco delle Arti APS chi sighit sa mira de fàghere su Parco delle Arti unu logu de cultura abertu a sos chi cherent istare in mesu a su lòrumu chi sa natura faghet cun s'arte in cada forma.

Pro nde ischire de prus, cuntatare:

Parco delle Arti di Molineddu – Ufitziu imprenta

Email: comunicazione.parcomolineddu@gmail.com

Telefono: +39 3401755816

**Avisu de su 1/7/2024 a incuru de
s'Ufitziu Comunicazione de su Comune de Ossi**